



Adhesión do Concello de Vilasantar ao Programa da reciclaxe a través das plantas de compostaxe promovidas pola Administración xeral da Comunidade Autónoma de Galicia a través da Sociedade Galega do Medio Ambiente, S.A. (Sogama)

En Cerceda, a 10 de xaneiro de 2024.

REUNIDOS

Doutra banda, Don Javier Domínguez Lino, na súa condición de Presidente da Sociedade Galega do Medio Ambiente, S.A. (en adiante SOGAMA) con CIF núm. A15379803, actuando en representación da sociedade mercantil pública segundo o acordo do Consello de Administración de 15 de febreiro do 2015.

Doutra banda, Don Fernando Javier Pérez Fernández, na súa condición de Alcalde Presidente do Concello Vilasantar (en adiante A entidade local), de conformidade co disposto no artigo 34 de Lei 7/1985, de 2 de abril, reguladora das Bases de Réxime Local, e o 29 do Real Decreto Lexislativo 781/1986, do 18 de abril, polo que se aproba o texto refundido das disposicións legais vixentes en materia de réxime local.

Ambas as partes, na representación que ostentan, recoñécense mutuamente a capacidade xurídico-legal para obrigarse coa formalización por medio deste negocio xurídico de adhesión

MANIFESTAN

Primeiro. A Sociedade Galega do Medio Ambiente, S.A, empresa pública adscrita á Consellería de Medio Ambiente e Ordenación do Territorio, ao abeiro do establecido no artigo 25 da Lei 6/2021, do 17 de febreiro, de residuos e solos contaminados de Galicia, ten asignada a función de xestión dos residuos urbanos a partir do momento no que son depositados nas estacións de transferencia ou plantas de tratamento previstas no Plan de Xestión de Residuos Urbanos 2010-2020 (no sucesivo PXRUG), aprobado por acordo do Consello da Xunta de 13 de xaneiro de 2011 e que foi modificado no ano 2016 para adaptarse a novos obxectivos e para ampliar a súa vixencia ata o ano 2022.

Segundo. Así mesmo, dentro do obxecto social de SOGAMA, inclúense todas as actividades relacionadas co deseño, construción, explotación, e mantemento de instalacións de transferencia, tratamento, eliminación e, en xeral, xestión de todo tipo de residuos engadida a recollida e transporte e o reciclaxe.

Terceiro. Dentro dese ámbito de actividade, e como promoción da reciclaxe a través da planta de compostaxe promovida por la Administración xeral da Comunidade Autónoma de Galicia, Sogama de conformidade coa disposición adicional segunda da Lei 5/2017, do 19 de outubro, de fomento da implantación de iniciativas empresariais en Galicia, e da

disposición adicional vixésimo primeira da lei 11/2013, do 26 de decembro de orzamentos xerais da Comunidade Autónoma de Galicia para o ano 2014 construíu unha primeira instalación de compostaxe no lugar de Areosa no concello de Cerceda (A Coruña), coa finalidade de contribuír ao cumprimento dos obxectivos en materia de reciclaxe establecidos no Plan estatal Marco de Xestión de Residuos 2016-2020 (PEMAR), e á planificación autonómica en materia de residuos conforme ao PXRUG. A dita instalación, súmanse tres novas plantas de compostaxe nas provincias de Lugo (Cervo), Pontevedra (Vilanova de Arousa) e Ourense (Verín), que completan a rede de instalacións de compostaxe a partir da fracción orgánica dos residuos urbanos (no sucesivo FORSU), de titularidade autonómica e que completan o previsto no plan de residuos de Galicia.

É de destacar que estas tres últimas instalacións han sido financiadas con fondos FEDER no marco do Eixo REACT UE "Favorecer a reparación da crise no contexto da pandemia Covid-19 e as súas consecuencias sociais, e preparar unha recuperación verde, dixital e resiliente da economía", no marco do Obxectivo Específico 20.1.4 "Apoio aos investimentos que contribúan á transición cara a unha economía verde", do Programa Operativo FEDER Galicia 2014-2020. Concretamente, encaixa na liña de actuación para a mellora no tratamento de residuos e aproveitamento de biorresiduos, categoría de intervención 023: Medidas ecolóxicas destinadas a reducir ou evitar emisións de gases de efecto invernadoiro (incluído o tratamento e almacenamento de metano e compostaxe).

Cuarto. As entidades locais, de conformidade coa Lei 7/1985, do 2 de abril, reguladora das bases do réxime local, e a Lei 5/1997, do 22 de xullo, da Administración local de Galicia, teñen reservada a competencia do servizo esencial de recollida, tratamento e aproveitamento dos residuos e deben garantir aos cidadáns a efectiva prestación do servizo esencial, entendendo que a posibilidade de xestión que ofrece a Comunidade Autónoma de Galicia a través de a sociedade pública Sogama, garante a prestación máis axeitada deste servizo.

Quinto. Deste xeito, a Administración xeral da Comunidade Autónoma de Galicia, a través da Sociedade Galega do Medio Ambiente S.A, posibilita aos concellos que poidan xestionar os residuos FORSU que recollan, tras implantar un novo sistema de recollida selectiva de FORSU, aumentando deste xeito o ratio de material reciclado. Cómpre ter en conta que o FORSU, polas súas características e composición, só é posible entregalo en plantas de transferencia adaptadas a este tipo de residuo, pois non admite compactación. Por dito motivo, naqueles concellos nos que non estea adaptada a planta de transferencia máis próxima, só pode ser transportado directamente á planta de compostaxe ben nos camións de recollida específicos deste material, ou ben en camións bañeira aberta, sen compactar. Estímase, por tanto, que a distancia máxima dende o punto de produción ata o destino en planta de tratamento ou as plantas de transferencia adaptadas para recibir

este tipo de residuos, non debe superar os 45 km para que os custos de transporte para os concellos non sexan elevados.

- Sexto. Dado que o funcionamento das instalacións de tratamento de FORSU, require a necesidade dunha separación previa nos fogares da materia orgánica, é preciso que os concellos que se adhiran ao Programa realicen previamente a implantación do quinto contedor para a recollida da fracción orgánica, organicen a recollida selectiva de FORSU e desenvolvan as campañas necesarias de sensibilización da poboación.
- Sétimo. A viabilidade económica do sistema fundaméntase na existencia dun canon específico por tonelada de FORSU entregado que cumpra os requisitos fixados pola Consellería competente en materia de residuos nas condicións de adhesión, segundo o establecido na disposición adicional segunda da Lei 5/2017, do 19 de outubro, de fomento da implantación de iniciativas empresariais en Galicia, e na disposición adicional vixésimo primeira da lei 11/2013, do 26 de decembro de orzamentos xerais da Comunidade Autónoma de Galicia para o ano 2014.
- Oitavo. Este negocio xurídico de adhesión adecúase ás condicións para a adhesión das entidades locais, de conformidade coa disposición adicional segunda da Lei 5/2017, do 19 de outubro, de fomento da implantación de iniciativas empresariais en Galicia, e da disposición adicional vixésimo primeira da lei 11/2013, do 26 de decembro de orzamentos xerais da Comunidade Autónoma de Galicia para o ano 2014.

Por todo o exposto, as partes consideraron a conveniencia de formalizar o presente negocio xurídico de adhesión conforme ás seguintes:

CLÁUSULAS

Primeira . Obxecto

Este negocio xurídico de adhesión ten por obxecto formalizar a adhesión da entidade local ao Programa específico de promoción da reciclaxe a través das plantas de compostaxe promovidas por la Administración xeral da Comunidade Autónoma de Galicia a través de la Sociedade Galega do Medio Ambiente, S.A. A adhesión réxese polas condicións establecidas na resolución do 19 de decembro 2017 da consellería competente en materia de residuos, ao abeiro da disposición adicional segunda da Lei 5/2017, do 19 de outubro, de fomento da implantación de iniciativas empresariais en Galicia, e da disposición adicional vixésimo primeira da lei 11/2013, do 26 de decembro de orzamentos xerais da Comunidade Autónoma de Galicia para o ano 2014.

Segunda Tipoloxía de residuos

Os residuos domésticos cuxo tratamento se realice mediante a adhesión ao Programa específico de promoción da reciclaxe a través das plantas de compostaxe (en adiante o Programa), será a FORSU, que deberá ser recollida de

xeito selectivo polos Concellos adheridos e entregados nas plantas de transferencia adaptadas ou, de selo caso, nas de compostaxe para o seu tratamento.

O residuo FORSU entregado, non poderá conter máis dun 15 % de impropios (plásticos, papel, vidro, téxtiles, etc.), pois considérase o límite técnico para poder ser procesado debidamente na instalación de compostaxe sen comprometer o funcionamento da instalación e/ou a calidade do compost producido nela.

Ao fin de controlar o cumprimento de calidade da FORSU entregado, a Sociedade Galega do Medio Ambiente poderá realizar caracterizacións dos residuos FORSU entregados polos Concellos adheridos cando se detecte que as características da FORSU non son axeitadas.

A propiedade dos residuos entregados pola entidade local pasará a ser de Sogama.

Terceira Obrigas da entidade local

A adhesión da entidade local ao Programa específico de promoción da reciclaxe a través das plantas de compostaxe implica a plena aceptación das condicións de adhesión establecidas pola Administración xeral da Comunidade Autónoma de Galicia na Resolución de 19 de decembro de 2017.

Así mesmo, a entidade local que se adhira ao sistema deberá cumprir as seguintes obrigas :

- A. Adecuar, en caso necesario, as ordenanzas sobre residuos municipais e outras disposicións para posibilitar o cumprimento dos compromisos asumidos mediante a súa adhesión ao Programa específico de promoción da reciclaxe a través das plantas de compostaxe.
- B. Especialmente, acometerá a implantación da recollida selectiva da fracción orgánica dos residuos (FORSU), implantando o contedor específico na cantidade necesaria dos mesmos para dar servizo a poboación e establecer as rutas e frecuencias de recollida da FORSU que consideren máis adecuadas.
- C. Promover as campañas de sensibilización dirixidas aos veciños do concello para que realicen correctamente a separación dos seus residuos.
- D. Entregar os residuos FORSU procedentes da recollida selectiva nas plantas de transferencia adaptadas ou nas plantas de compostaxe de FORSU, habilitadas pola Sociedade Galega do Medio Ambiente, S.A., no horario que estea establecido, así como nas condicións fixadas, de ser o caso, pola normativa en materia de residuos.

Os residuos recollidos selectivamente, non poderán superar en ningún caso un 15% de impropios.

- E. A entidade local deberá garantir que os camións que transporten os residuos (i) cumpren a normativa de aplicación en materia de seguridade e hixiene, particularmente no referente a escuramentos de lixiviados e malos olores; (ii)

sométense á obriga da súa pesada en báscula dado que a facturación se levará a cabo con base nesas pesadas; (iii) os seus condutores observan a normativa establecida para o funcionamento das instalacións. A Sociedade Galega do Medio Ambiente, S.A. poderá impedir o acceso ás súas instalacións en caso de que se incumpran as ditas condicións.

F. Aboar á Sociedade Galega do Medio Ambiente, S.A., nos termos establecidos na Lei 3/2004, do 29 de decembro, pola que se establecen medidas de loita contra a morosidade nas operacións comerciais, o importe do canon unitario de tratamento por tonelada de FORSU ou, de ser o caso polo incumprimento das condicións mínimas de calidade da FORSU, o canon único de xestión de RU para aquelas partidas rexeitadas, tendo en conta que:

- O número de toneladas determinarase en función das pesadas en báscula debidamente homologada dos vehículos que transporten os residuos.
- O importe o canon unitario de tratamento por tonelada de FORSU entregada fíxase na cantidade de 48,30 euros/tonelada máis IVE para o ano 2023 e actualízase anualmente, no mes de xaneiro consonte a evolución do índice de prezos de consumo galego, publicándose a dita actualización no *Diario Oficial de Galicia*, de acordo coa disposición adicional segunda da Lei 5/2017, do 19 de outubro, de fomento da implantación de iniciativas empresariais en Galicia.
- En garantía da sustentabilidade financeira do sistema e de acordo co establecido na disposición adicional vixésimo primeira da Lei 11/2013, do 26 de decembro, de orzamentos xerais da Comunidade Autónoma de Galicia para o ano 2014, no caso de non pagamento das cantidades que corresponda aboar ás entidades locais en concepto de canon unitario por tratamento de FORSU, estas terán a consideración de líquidas, vencidas e exhibibles para os efectos do seu aboamento con cargo ás cantidades que correspondan a cada municipio como participación no Fondo de Cooperación Local, por instancia da sociedade pública xestora do sistema, mediante acordo de retención ditado polo órgano encargado da xestión do citado fondo segundo a súa normativa reguladora.

Para estes efectos teranse en conta as seguintes regras:

- a. Transcorrido o prazo máximo de pagamento da factura establecido nestas condicións de adhesión, a Sociedade Galega do Medio Ambiente, S.A. procederá a dirixir apercibimento á entidade local de que solicitará a retención ao órgano encargado da xestión do citado Fondo de Cooperación Local se non se verifica o pagamento no prazo máximo de trinta (30) días.
- b. Transcorrido o prazo indicado no apercibimento sen que se efectuase o pagamento, SOGAMA solicitará a retención ao órgano encargado da xestión do citado Fondo de Cooperación Local, que se poderá realizar con independencia da existencia de controversia ou cuestión pendente entre a entidade local e a sociedade pública sobre a cantidade debida, todo iso sen prexuízo, se é o caso, dos efectos derivados da posterior resolución das indicadas controversias ou cuestións. Á dita solicitude xuntarase copia do apercibimento realizado ao concello instando o pagamento da débeda,

así como da acreditación da recepción por parte do concello do dito apercibimento.

c. As cantidades retidas serán obxecto de entrega á sociedade pública.

Cuarta. Obrigas da Sociedade Galega do Medio Ambiente, S.A.

Na súa condición de xestora do programa de promoción da reciclaxe a través das plantas de compostaxe, a Sociedade Galega do Medio Ambiente, S.A. asume as seguintes obrigas:

- A. Recepcionar e xestionar nas instalacións de transferencia adaptadas o, no seu caso, nas instalacións de compostaxe, a fracción FORSU recollida polo concello trala implantación da recollida selectiva desta fracción e que teñan un máximo dun 15% de impropios.
- B. Comunicar calquera incidencia que se detecte na composición do residuo FORSU entregado ao fin de que o concello incida nas campañas de sensibilización para corrixir os desvíos.
- C. Realizar caracterizacións dos residuos FORSU entregados polos Concellos adheridos cando se detecte que as características do FORSU non son axeitadas. No caso de detectarse desvíos superiores ao 15%, a partida ou partidas de FORSU que incumpran, derivaranse ao tratamento común, comunicándose a circunstancia ao Concello de procedencia do FORSU e facturándose ditas partidas ao canon único de xestión de RU.
- D. A xestión, liquidación e cobramento do canon unitario de tratamento de FORSU por tonelada corresponderá á Sociedade Galega do Medio Ambiente, S.A., que deberá expedir mensualmente as facturas correspondentes ás entidades locais, cuxo aboamento se realizará nos termos establecidos pola Lei 3/2004, do 29 de decembro, pola que se establecen medidas de loita contra a morosidade nas operacións comerciais.

De conformidade co artigo 4 da citada Lei 3/2004, do 29 de decembro, a Sociedade Galega do Medio Ambiente, S.A. deberá facer chegar a factura mensual ás entidades locais adheridas antes de que se cumpran quince días naturais desde que finalice a prestación mensual obxecto de facturación.

En garantía de transparencia do sistema as entidades locais poderán verificar as operacións de tratamento realizadas nun prazo non superior a trinta (30) días naturais contados desde que finalice a prestación correspondente ao mes facturado. Para estes efectos, a Sociedade Galega do Medio Ambiente, S.A., xuntará á factura mensual un anexo I en que se relacionan os quilos totais por día de FORSU depositados polo cliente nas instalacións de Sogama. Poderase tamén xuntar un anexo II no que se indiquen os quilos recollidos, detallando a empresa de recollida e a matrícula por cada entrada nas instalacións de Sogama, S.A, así como, de ser o caso, a/as caracterizacións de aquelas partidas que superan o 15 % máximo de impropios. O prazo máximo de pagamento da factura mensual é de trinta (30) días naturais contados desde a data en que ten lugar a verificación dos labores de tratamento dos residuos.

Quinta. Vixencia

En garantía da sustentabilidade financeira do sistema, para permitir realizar as previsións oportunas en canto ao volume de residuos que se van tratar, os termos da adhesión se establecen estenden por un mínimo común de cinco anos,

para tódolos asinantes , prorrogables por iguais períodos de tempo, salvo preaviso de dous meses ao vencemento do prazo de adhesión en vigor, se faga chegar á xestora do sistema un acordo adoptado polo órgano competente da entidade local polo cal renuncia a continuar adherida ao sistema de xestión institucional.

Sexta. Resolución e efectos

A adhesión ao sistema de xestión institucional concluirá:

- Por expiración do prazo pactado, de acordo co expresado na cláusula quinta.
- Mediante mutuo acordo das partes.
- Por rescisión derivada do incumprimento grave das obrigas asumidas por algunha das partes.
- Por calquera outra causa prevista no marco normativo vixente.

No suposto de que no momento de instarse a resolución da adhesión se tivesen prestado servizos de forma efectiva que estean pendentes de pagamento, a entidade local deberá aboar o importe correspondente a Sogama.

Sétima. Réxime xurídico e xurisdición

A relación xurídica entre as entidades locais e a Sociedade Galega do Medio Ambiente, S.A., como sociedade pública xestora do programa específico de reciclaxe a través das plantas de compostaxe, terá natureza xurídica administrativa, de acordo co establecido na disposición adicional segunda da Lei 5/2017, do 19 de outubro, de fomento da implantación de iniciativas empresariais en Galicia, e da disposición adicional vixésimo primeira da lei 11/2013, do 26 de decembro de orzamentos xerais da Comunidade Autónoma de Galicia para o ano 2014 .

As cuestións litixiosas que puidesen derivar do acordo de adhesión serán de coñecemento da xurisdición contencioso- administrativa.

E para que así conste, asinan o presente negocio xurídico de adhesión, no lugar e data arriba indicados.

Por SOGAMA
Javier Domínguez Lino

Polo concello de Vilasantar
Fernando Javier Pérez Fernández